

A Mesa do Parlamento de Galicia, na súa sesión do día 18 de xuño de 2024, adoptou o seguinte acordo:

PUNTO 2.º ELECCIÓN E COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2. Réxime e goberno interior

2.1. Estatuto dos deputados

I.- Réxime económico e fiscal das deputadas e dos deputados e efectos.

En sesión da Mesa do 18/03/2024 adoptouse un réxime provisional económico, fiscal e social para os membros da cámara que mantivo o fixado na anterior lexislatura, en tanto non se constituíran os grupos parlamentarios resultantes da XII lexislatura.

Considerando que, dende xaneiro 2023 a abril do 2024 o IPC experimentou unha suba do 5,3% (5,6% en Galicia). Ou que o incremento de retribucións dos empregados públicos acumulada nos dous derradeiros exercicios, isto é, 2022 e 2023, foi dun 7%.

Polo exposto, avaliouuse a aplicación dunha suba do 5,5% aos diferentes emolumentos dos membros da cámara con efectos do 01 de xuño de 2024, que se pode afrontar co crédito existente na partida orzamentaria 01.01.111B.100 e 01.01.111B.233 por mor do tempo en que a cámara estivo a funcionar en Deputación Permanente trala convocatoria de eleccións.

Visto o disposto no artigo 7.2 do Regulamento do Parlamento de Galicia e no artigo 6.5 da Lei de eleccións ao Parlamento de Galicia, a Mesa do Parlamento adopta o seguinte ACORDO:

1.º) Asignacións económicas e indemnizacións das deputadas e dos deputados da XII lexislatura:

1. A) ASIGNACIÓN FIXA	2213,54 euros/mes
(unicamente deputados con dedicación exclusiva)	
1.B.) ASIGNACIÓNS POR CARGOS EN ÓRGANOS PARLAMENTARIOS (incompatibles entre sí, aboarse unicamente a correspondente á función de maior importe)	
a) Presidente/a	
Complemento membro de Mesa	1.668,89 euros/mes
Gastos de representación	2.011,03 euros/mes
Gastos de libre disposición	1.032,70 euros/mes
b) Vicepresidentes/as, Secretario/a e Vicesecretario/a	
Complemento membro de Mesa	1.668,89 euros/mes
Gastos de representación	1.247,58 euros/mes
Gastos de libre disposición	547,62 euros/mes
c) Portavoces de grupos parlamentarios:	
Gastos de representación	621,77 euros/mes

Sra. deputada/Sr. deputado do Parlamento de Galicia



Gastos de libre disposición	417,23 euros/mes
d) Viceportavoz de grupos parlamentarios e presidentes de comisión.	
Gastos de representación	531,29 euros/mes
e) Vicepresidentes e secretarios de comisión:	
Gastos de representación	420,03 euros/mes
Asemade se asignan para gastos de representación dos restantes deputados con dedicación exclusiva	320,03 euros/mes

*O número de viceportavoces a remunerar dende o 01/06/2024 son:
3 do G.P.Popular, 3 do G.P.BNG e 3 do G.P.PSdG.-

1.C.INDEMNIZACIÓNS POR GASTOS NO DESENVOLVEMENTO DO MANDATO

1.C.A) AXUDAS DE CUSTO 2.729,70 euros/mes
Fixa: contía mensual para afrontar os gastos de aloxamento e manutención que orixine a súa actividade parlamentaria dentro de Galicia.

Variable: Aboaranse as solicitadas por desprazamentos que se realicen en misión oficial autorizada pola Mesa do Parlamento para viaxes fora de Galicia. As contías serán:

- no caso de viaxes dentro do territorio nacional, o importe que en cada momento fixe como exento o artigo 9.3 do Regulamento da Lei do IRPF aprobado polo Real Decreto 439/2007, de 30 de marzo que actualmente é de 53,34 euros/día.
- no caso de viaxe fora do territorio nacional aplicárase os importes máximo fixados por estados na lexislación aplicable.

De ser autorizadas visitas institucionais dentro de Galicia, aboaráselles o importe que resulte do quilometraxe solicitado ata o municipio da visita e volta dende a sede da cámara ou dende o seu domicilio, ou ben o billete de transporte público nos termos do apartado seguinte.

1.C.B). LOCOMOCIÓN:

Cubriranse os gastos de transporte en medio público (avión, tren, automóbil ou barco) dos membros da cámara dende o seu municipio galego de procedencia ao Concello de Santiago, e o seu importe aboarase directamente á empresa transportista previa factura ou reintegraráselle ao deputado os gastos realizados. Neste último caso, a cantidade non pode superar o importe de quilometraxe (0,26€/km) que resultaría de empregar o seu vehículo particular.

No relativo aos desprazamentos en vehículo propio, cómpre indicar:

- a contía será o importe que en cada momento fixe como exento o artigo 9.2 do Regulamento da Lei do IRPF aprobado polo Real Decreto 439/2007, de 30 de marzo que actualmente é de 0,26 euros/km. O número de quilómetros que correspondan a cada deputado/a computarase de acordo coa declaración presentada no Parlamento de Galicia no que indique o seu domicilio e medio de transporte preferente.
- Aboaranse tantos desprazamentos como asistencias se acrediten pola Administración Parlamentaria.
- Aboaránselle a cada deputado mensualmente catro viaxes fixas por desprazamento ás reunións do seu grupo parlamentario sen necesidade de xustificación.

Asemade, cada deputado dispón dun sistema de telepeaxe VIAT para o pagamento dos gastos de desprazamento, non aparcamento, polas autoestradas de Galicia con cargo ao orzamento do Parlamento de Galicia

O deputado tamén poderá facer uso da rede de RENFE dentro da Comunidade Autónoma de Galicia e os custe dos billetes serán aboados polo Parlamento directamente á empresa.

Sra. deputada/Sr. deputado do Parlamento de Galicia



Aqueles gastos que se imputen ao Parlamento de Galicia e sexan improcedentes por tratarse de aparcamentos ou peaxes fora do territorio galego serán descontados na vindeira nómina do deputado.

2º) O réxime fiscal das asignacións dos deputados e deputadas será o réxime xeral, agás para o concepto de axuda de custo fixa, do que en aplicación do disposto no artigo 17.2 da Lei do IRPF 35/2006, de 28 de novembro, decláranse exentas en dito concepto retributivo as seguintes cantidades:

- a) Deputados e deputadas sen cargos institucionais ou parlamentarios: decláranse exentos 800 euros/mes.
- b) Deputados e deputadas que sexan presidentes, vicepresidentes ou secretarios de comisións parlamentarias, e viceportavoces de grupos parlamentarios: decláranse exentos 1.000 euros/mes.
- c) Deputados e deputadas que sexan membros da Mesa da Cámara e portavoces parlamentarios: decláranse exentos 1.200 euros/mes.

Este réxime fiscal aplícase dende o primeiro aboamento proporcionalmente dende o día do nomeamento nos respectivos cargos e no resto dos deputados dende a súa incorporación.

3º) A aplicación dos novos importes das asignacións e indemnizacións dos deputados terá lugar con efectos do 01/06/2024, dispoñéndose ata a seguinte mensualidade para regularizar en nómina de non ser posible no mes actual.

II. Protección social, mutualidades e demais prestacións dos deputados e deputadas.

a) Seguridade social e mutualidades.

Visto o disposto no artigo 11 do Regulamento do Parlamento de Galicia respecto da protección social dos deputados e deputadas da cámara e a asunción das cotas obreiras e de mutualidades públicas de procedencia.

A Mesa adopta o seguinte ACORDO:

1.º) Recoñecemento do dereito e bases de cotización

A) Recoñéceselles ás deputadas e aos deputados o dereito a imputar ao orzamento do Parlamento o aboamento das cotizacións á Seguridade Social e ás Mutualidades de empregados públicos daqueles que, como consecuencia da súa dedicación exclusiva á actividade parlamentaria, deixen de prestar o servizo que motivaba a súa afiliación ou pertenza a aquelas. En consecuencia, correrá a cargo do orzamento da Cámara tanto a cota que teña que aboar o Parlamento na súa condición de empresa como as cotas que teña que aboar o deputado pola súa condición de afiliado.

Sra. deputada/Sr. deputado do Parlamento de Galicia



B) As bases de cotización calcularanse segundo o disposto na cláusula quinta do Convenio Especial firmado coa Seguridade Social.

2.º) Comunicarlles este acordo ás deputadas e aos deputados e á Intervención e Asuntos Económicos.

b) Contrato de seguro de accidentes.

Vistos os antecedentes, e estando vixente a póliza actual de accidentes.

A Mesa adopta o seguinte ACORDO:

1º) Os deputados disporán dunha póliza de accidentes contratada polo Parlamento de Galicia, sendo dados de alta á maior brevidade unha vez se comunique á Intervención e asuntos económicos a súa proclamación como electos.

2.º) Comunicarlles este acordo ás deputadas e aos deputados e á Intervención e Asuntos Económicos.

Santiago de Compostela, 20 de xuño de 2024

Miguel Angel
Santalices Vieira,
Presidente

Firmado digitalmente por Miguel Angel
Santalices Vieira, Presidente
Nombre de reconocimiento (DN):
cn=Miguel Angel Santalices Vieira,
Presidente,
email=miguel.angel.santalices.vieira@parl
amentodegalicia.es
Fecha: 2024.06.20 10:35:35 +02'00'

Miguel Ángel Santalices Vieira
Presidente

Sra. deputada/Sr. deputado do Parlamento de Galicia



Asinado dixitalmente por:

Miguel Angel Santalices Vieira, Presidente na data 20/06/2024 10:35:35



PARLAMENTO DE GALICIA
REXISTRO XERAL SAÍDA
Data asento: 20/06/2024 10:37:26
Nº Rexistro: 1311
Data envío: 20/06/2024 10:37:26.799

CSV: REXISTRO-NK5nwQXT-9
Verificación:
<https://sede.parlamentodegalicia.gal/tramites/csv/>

